



ДОМ НАРОДА  
ПРЕДСТАВНИЧКИ ДОМ

DOM NARODA  
PREDSTAVNIČKI DOM / ZASTUPNIČKI DOM

Привремена заједничка комисија оба дома  
Парламентарне скупштине БиХ за спровођење  
процедуре за именовање три омбудсмена за  
људска права Босне и Херцеговине

Privremena zajednička komisija oba doma  
Parlamentarne skupštine BiH za provođenje  
procedure za imenovanje tri ombudsmena  
za ljudska prava Bosne i Hercegovine

Privremeno zajedničko povjerenstvo obaju  
domova Parlamentarne skupštine BiH za  
provođenje procedure imenovanja tri  
ombudsmana za ljudska prava Bosne i  
Hercegovine

---

Broj: 01,02-50-14-469-4/15  
Sarajevo, 10.9.2015.

#### ZAPISNIK

4. sjednice Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmana za ljudska prava Bosne i Hercegovine, održane 10.9.2015.

Sjednica je počela u 12.00 sati.

Sjednicom je predsjedavao Halid Genjac, predsjedavajući Privremene zajedničke komisije.

Sjednici su prisustvovali: Ljilja Zovko, Borislav Bojić, Safer Demirović i Ognjen Tadić članovi Privremene zajedničke komisije. Odsustvo sa sjednice je opravdao Nikola Lovrinović, član Privremene zajedničke komisije.

Sjednici su prisustvovali i: Maja Gasal-Vražalica članica Zajedničke komisije za ljudska prava, Jasmina Viteškić iz OSCE-a, Umerr Al-Khatib, Maja Ribar i Sabina Bosović iz EUSR-a, Ajla Memišević iz UNRCO-a, Lejla Arnaut iz Udruženja „Žene ženama“, Nikola Toljagić i Dalila Mirović iz Sarajevskog otvorenog centra, Dženan Suljović, stručni saradnik u Uredu sekretara Zajedničke komisije za ekonomske reforme i razvoj i Amer Bekrić, sekretar Privremene zajedničke komisije.

Za sjednicu je predložen i jednoglasno usvojen sljedeći

#### DNEVNI RED

1. Usvajanje Zapisnika sa 3. sjednice Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmana za ljudska prava Bosne i Hercegovine;
2. Razmatranje pristiglih prijava na Javni konkurs;
3. Određivanje termina za održavanje intervjua s kandidatima;
4. Tekuća pitanja.

## **Ad. 1.**

### **Usvajanje Zapisnika sa 3. sjednice Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine**

Zapisnik sa 3. sjednice Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine je jednoglasno usvojen.

## **Ad. 2.**

### **Razmatranje pristiglih prijava na Javni konkurs**

Uvodne napomene o ovoj tački dnevnog reda dao je Halid Genjac, predsjedavajući i upoznao prisutne sa odredbama člana 12. Poslovnika Privremene zajedničke komisije kojim je propisan način provjere valjanosti i potpunosti prijava na Javni konkurs.

Konstatirano je da je na Javni konkurs pristiglo ukupno 19 prijava te da su sve dostavljene blagovremeno. Nakon toga se pristupilo otvaranju pristiglih koverata. Pošto su otvorene i pregledane sve pristigle prijave konstatirano je da su sve prijave potpune, svi kandidati su dostavili traženu dokumentaciju, s tim da šest prijavljenih kandidata nije ovjerilo potpis na Prijavnom obrascu koji je bio sastavni dio dokumentacije tražene Javnim konkursom. Privremena zajednička komisija je jednoglasno usvojila **ZAKLJUČAK koji glasi: Privremena zajednička komisija oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine prihvata, kao potpune i uredne prijave 13 kandidata, te zadužuje sekretara da kontaktira šest kandidata koji nisu ovjerali potpis na Prijavnom obrascu i da od njih zatraži da, ukoliko žele da učestvuju u daljoj konkursnoj proceduri, u roku od 10 dana dostave Prijavne obrasce popunjene istim podacima kao i oni koje su dostavili uz prijavu, te da potpis na Prijavnom obrascu ovjere kod nadležnog organa. Prijave kandidata koji ne postupe u skladu sa zaključkom Privremene zajedničke komisije će biti odbačene kao nepotpune.**

## **Ad. 3.**

### **Određivanje termina za održavanje intervjua s kandidatima**

Uvodne napomene o ovoj tački dnevnog reda dao je Halid Genjac, predsjedavajući Privremene zajedničke komisije.

Nakon rasprave vođene u okviru ove tačke dnevnog reda u kojoj su učestvovali svi članovi, **Privremena zajednička komisija je utvrdila termin održavanja intervjua s kandidatima, i to dana 30.9.2015. i 1.10.2015. s početkom u 9 sati, u Zgradi Parlamentarne skupštine BiH. Također je zaključeno da sekretar Privremene zajedničke komisije pripremi Izvode iz dostavljenih podataka iz prijavnih obrazaca i biografija prijavljenih kandidata za poziciju ombudsmena za ljudska prava BiH i dostavi ih članovima Privremene zajedničke komisije uz pozive za narednu sjednicu.**

Sjednica je završena u 14.10 sati.

Sekretar Privremene zajedničke komisije

Amer Bekrić

Predsjedavajući Privremene zajedničke komisije

Halid Genjac